



20. Tschanteda da la suprastanza cumünela in marculli, ils , 07.11.2018 a las 19.30 in chesa cumünela S-chanf

Presidi: Gian Fadri Largiadèr

Preschaints: Paolo Bernasconi, Liun Quadri, Roman Parli, Mario Mammoliti

Suppleant:

Absaints: Linard Luzi

Actuar: Gian Luca Vitalini

Tractandas:

1. Protocol
2. 0.211 Dumandas da fabrica
3. 2.100 Scoula Proget TII/LII
4. 0.205 Preventiv 2. lectüra
5. 0.110 Procedura da consultaziun revaisa parziela ledscha d'impostas chantunela
6. 0.209 Contrat culla firma Tex Aid
7. 8.100 Surdedas da lavuors forestel
8. 1.300 Analisa da prieveles S-chanf e Zuoz
9. 9.999 Varia

La glista da tractandas vain approveda sainza objecziuns.

Protocol: Il protocol da la tschanteda dals 24 october 2018 vain approvo unanimamaing.

147 0.211 Dumanda da fabrica

Engadiner Kraftwerke AG dumanda per depositer bobinas sülla deponia Bos-chetta Plauna

La suprastanza cumünela piglia cugnuschentscha da quista dumanda e decida da fer sclarimaints e trattativas cullas OEE.

Annunzchas da fabrica

18.25, Engadiner Kraftwerke AG, urigl inchasch da Varusch, parcella 586, Punt dal Fuorn, S-chanf

La suprananza cumünela piglia cugnuschentscha da quist'annunzcha da fabrica.

18.99-24, Müdamaint access da las garaschas fin tar l'entredgia da chesa, parcella 75, Somvih, S-chanf

La suprananza cumünela piglia cugnuschentscha in sen positiv da quist'annunzcha da fabrica.

Dumandas da prolungaziun

Reclama pel tankedi Angelini AG, pacrella 798, Serlas, S-chanf

La suprananza cumünela decida unanimamaing da prolunger la dumanda da fabrica fin ils 30.11.2019.

Nouv tanc da benzina Angelini AG, parcella nr.798, Serlas , S-chanf

La suprananza cumünela decida unanimamaing da prolunger la dumanda da fabrica fin ils 30.11.2019.

Nouva betoniera Angelini AG, parcella nr. 698, Serlas, S-chanf

La suprananza cumünela decida unanimamaing da prolunger la dumanda da fabrica fin ils 30.11.2019.

**148 2.100 Scoula primara
Scoula proget TII/LII – valütaziun October 2018**

Illa tschanteda dals 11.07.2018 ho la mnedra da scoula preschanto ün nouv cocept da scoula a maun d'üna preschantaziun da Power Point. Zieva üna discusiun e diversas remarchas ho la mnedra aunch'üna vouta surelavuro il concept preschanto. Illa tschanteda dals 08 avuost 2018 ho la suprananza cumünela aunch'üna vouta tratto il concept e decis da fer ün temp da prouva. La mnedra da scoula es gnida incumbenzeda da fer üna valütaziun illas vacanzas d'utuon. Quista valütaziun es uossa avaint maun e vain discus illa suprananza. La suprananza cumünela piglia cugnuschentscha in sen positiv. Impü decida la suprananza cumünela cha'ls cuosts vegnan piglio sü i'l preventiv 2019.

**149 0.205 Rendaquint/planisaziun da finanzas
Preventiv 2. lectüra**

Il preventiv prevezza entredgias d'arduond fr. 9'118'471.00 e sortidas da fr. 9'118'300.00. Las investiziuns 2019 s'amuntan sün fr. 4'388'000.00 e cun entredgias da fr. 125'000.00. La suprananza cumünela piglia cugnuschentscha da la segunda lectüra dal preventiv per l'an 2019 e'l plan d'investiziun 2019 – 2023.

La suprananza cumünela decida da suottametter seguint a maun da la radunanza cumünela ils 28 november 2018 :

Il preventiv 2019 cun sortidas da fr. 9'118'300.00, entredgias da fr. 9'118'471.00 ed ün guadagn büdscheto da fr. 171.00. Il plan d'investiziun 2019 cun sortidas brüttas da fr. 4'388'000.00 e entredgias da fr. 125'000.00. Il pè d'imposta cumünel dess rester sün 65% da l'imposta simpla chantunela.

150 0.110 Legislativa
Procedura da consultauziun revaisa parziela ledscha d'impostas chantunela

Cun quista revisiun parziela dess gnir realiso il model d'impostas 2017 dal stedi sül s-chelin chantunel. La realisaziun chantunela dal model d'impostas 2017 es la realisaziun da la ledscha federela, chi vain pel mumaint discus i'ls cusagls federels. Il model guridic federel nu es cun que auncha definitiv e po eir auncha gnir müdo. Sün basa dal plan da termin fich stret chi vegn do avaunt dal stedi, stu la procedura dal dret gnir fatta parallel insemabl cun la legislaziun federela. Our dal motiv chi po auncha der müdamaints i'l dret federel e cha quels müdamaints staun gnir surpiglio dal chantun, vain desisto, da metter in discussiun ils texts da la ledscha. Il plan da termin dependa da las lavuors giuridicas chi vegnan fattas dal stedi. Actuelmaing planisescha il chantun Grischun la discussiun dal model illa sessiun d'avuost 2019 i'l grand cussagl ed ün'entrgia in vigur ils 01. schner 2020.

La suprastanza cumünela piglia cugnuschentscha da la revaisa parziela da la ledscha chantunela d'impostas. La suprastanza cumünela comunichescha a l'administraziun d'impostas a Cuaira chi nu do üngünas objecziuns da lur vart.

151 0.209 Contrats e cunvegnas
Contrat culla firma Tex Aid per alluntaner Textilias

Sün basa dal uorden d'immundizchas VVEA d'avent dals 01. schner 2019 drouvan firmas chi alluntaneschan textilias ün permiss da la vschinauncha. Avaunt maun es ün contrat culla firma Tex Aid per pudair ramasser inavaunt textilias sül territori da S-chanf. Quist contrat ho üna düreda da 5 ans.

La suprastanza cumünela decida unanimamaing d'adeir il contrat traunter la vschinauncha e la firma tex aid sur la düreda da 5 ans.

152 8.100 Forestel
Surdedas da lavuors per tagls da racolta

Tenor il plan da gestiun da la vschinauncha da S-chanf es ün tagl da racolta il'ls god da Varusch e Chansels classificcho scu urgiant. Per pudair cultiver in ün möd natürel e insistent, uschè chi paun gnir sgüro las funcziuns, chi paun gnir spetto dal god, es planiso ün tagl da racolta da l'an 2018. Il tagl da racolta importa ca. 300m³ laina, da que es dapü scu la mited laina per arder. Il schmerdsch e'l furmer d'ün sortimaint vain exeguida da la gruppa dal forestel. La mancaunza da persunel actuela nu permetta üngün transport e armamaint da la laina infra temp. Las lingias per las suas sun piquettedas e nu drouvan üngün permiss davart dal BAZL. Il silvicultur ho lascho offrir trais firmas per fer quistas lavuors. Entro sun be duos offertas, causa cha la treza firma ho memma bgera lavur pel mumaint. L'offerta la pü favuraivla es da la firma Ferrari da Brusio per fr 21'000.00 excl. isp. Il silvicultur fo la proposta da surder la lavur a la firma Ferrari da Brusio, causa cha lur offerta es la pü favuraivla.

La suprastanza cumünela decida unanimamaing da surder la lavur a la firma Ferrari da Brusio per fr. 21'000.00 excl. isp.

Ruvantschè

Per pudair cultiver in ün möd natürel e insistent, uschè chi paun gnir sgüro las funcziuns chi paun gnir spetto dal god, es planiso ün tagl da racolta scu SAP da diversited da l'an 2018. Il tagl da racolta importa ca. 250m³ laina, da que es dapü scu la mited laina per arder. Eir tar quist proget sun gnieu invidos trais firmas. Zieva animeda discussiun e explicaziuns dal

depüto, decida la suprastanza cumünela unanimamaing da surder la lavur a la firma Albertini da Ramosch per fr. 15'500.00 excl. isp.

**153 1.300 Instanzas chantunelas e federelas
Analisa da prievels vschianuchas S-chanf e Zuoz**

Illa radunanza cumünela dals 31.01.2018 es gnieu decis cha la vschinauncha da S-chanf voul lavurer insembel cun la vschinauncha da Zuoz per fer üna Analisa da prievels per las duos vschinaunchas. Ils duos chanzlists haun gieu üna tschanteda per discuter ils prossems pass. Il chanzlist fo la proposta d'invider il büro d'indschegner Caprez da Silvaplauna, il büro AF Toscano da Puntraschigna e'l büro CSD da Tusem.

La suprastanza cumünela decida unanimamaing da lascher offrir las trais firmas cha'l chanzlist ho proponieu.

154 9.999 Varia

La suprastanza cumünela piglia cugnuschentscha :

Charta da la cumischiun da gestiun regard l'iniziativa.

Charta d'ingrazachamint dal di da maruns a S-chanf.

Il president spiega chi'd es entro üna pretaisa d'arduond fr. 700'000.00 cunter la resgia S-chanf. Causa üna vendita da laina l'an 2015 e 2016 cun contrats insembel cun üna persuna our dal chantun Appenzell. Il president infrumescha eir la cumischiun da gestiun in quista chosa. La suprastanza refüsa in mincha punct las pretaisa chi vegnan manzunedas.

A las 20.45 vain la tschanteda alveda.

In buna fè

Il president:

L'actuar:

G. Largiadèr

G.L. Vitalini